

Broj: 01-01.3-10360-7/23 MA

Datum: 08.02.2024. godine

Na osnovu člana 70. stav (3) Zakona o javnim nabavkama ("Službeni glasnik BiH", br.: 39/14 i 59/22), člana 17. Pravilnika o javnim nabavkama JP Autoceste FBiH d.o.o. Mostar, broj: NO 1.01-3837-12/23 od 12.06.2023. godine, te preporuke Komisije za javne nabavke konstatovane u Zapisniku o pregledu i ocjeni ponuda, broj: 01-01.3-10360-6/23 MA od 30.01.2024. godine, v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU **o izboru najpovoljnijeg ponuđača**

I

Ugovor za nabavku radova „**Nabavka i ugradnja uređaja za automatsku naplatu cestarine**“ u ukupnoj vrijednosti od **583.763,90 KM sa uračunatim PDV-om** dodjeljuje se ponuđaču **BS Telecom Solutions d.o.o. Sarajevo**, sa registrovanim sjedištem u ulici Branilaca Sarajeva broj 20, 71000 Sarajevo, ID broj: 4200375390004, iz razloga što je jedini dostavio ponudu u otvorenom postupku a ista je prihvatljiva.

II

Ugovor se zaključuje nakon provedenog otvorenog postupka za koji je na portalu javnih nabavki dana 27.12.2024. godine objavljeno Obavještenje o nabavci broj: 266-1-3-263-3-261/23. U provedenom postupku zaprimljena je 1 (jedna) ponuda i to ponuđača BS Telecom Solutions d.o.o. Sarajevo, koja je prihvatljiva odnosno ispunjava sve uslove i zahtjeve propisane tenderskom dokumentacijom.

III

U skladu sa članom 70. stav (6) Zakona o javnim nabavkama (u daljem tekstu: Zakon), JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđaču koji je učestvovao u postupku nabavke.

O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (4), 17. stav (1), 18. stav (1) i 19. stav (1) Zakona pokrenulo otvoreni postupak, broj: 01-01.3-10360/23 MA za nabavku radova „Nabavka i ugradnja uređaja za automatsku naplatu cestarine“. Na portalu javnih nabavki objavljeno je Obavještenje o nabavci, broj: 266-1-3-263-3-261/23 dana 27.12.2023. godine. Kriterij za dodjelu ugovora je „najniža cijena“, a predviđena je primjena e-aukcije.



Na osnovu Obavještenja o nabavci i tenderske dokumentacije izvršeno je javno otvaranje ponuda dana 17.01.2024. godine u 10:30 sati u prostorijama JP Autoceste Federacije Bosne i Hercegovine d.o.o. Mostar, Operativni ured Sarajevo, Hamdije Kreševljakovića 19, Sarajevo, što je konstatovano u Zapisniku o otvaranju ponuda, u skladu sa Zakonom. Komisija za nabavke je na javnom otvaranju ponuda konstatovala da je ponudu blagovremeno dostavio 1 (jedan) ponuđač.

Komisija za nabavke, imenovana Rješenjem broj: 01-01.3-10360-3/23 MA od 12.01.2024. godine je pristupila pregledu i ocjeni ponude, što je evidentirano u Zapisniku o pregledu i ocjeni ponuda, broj: 01-01.3-10360-6/23 MA od 30.01.2024. godine.

Iako je ugovorni organ u tenderskoj dokumentaciji i Obavještenju o nabavci za predmetnu nabavku predvidio održavanje e-aukcije, s obzirom na činjenicu da je u postupku zaprimljena samo jedna ponuda, ugovorni organ je postupio u skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“, broj: 80/23), odnosno e-aukcija se se u tom slučaju ne zakazuje.

Nadalje, Komisija za nabavke je utvrdila da je jedina zaprimljena ponuda u postupku i prihvatljiva, a to je ponuda ponuđača BS Telecom Solutions d.o.o. Sarajevo.

Shodno prijedlogu i preporuci Komisije za nabavke konstatovane u Zapisniku o pregledu i ocjeni ponuda, ugovor za nabavku radova: „Nabavka i ugradnja uređaja za automatsku naplatu cestarine“ u vrijednosti od 583.763,90 KM sa uračunatim PDV-om, dodjeljuje se ponuđaču BS Telecom Solutions d.o.o. Sarajevo, sa registrovanim sjedištem u ulici Branilaca Sarajeva broj 20, 71000 Sarajevo, ID broj: 4200375390004, koji je u otvorenom postupku jedini dostavio ponudu a ista je prihvatljiva.

Shodno navedenom, ugovorni organ je prihvatio preporuku Komisije za nabavke i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Zapisnik o pregledu i ocjeni ponuda, broj: 01-01.310360-6/23 MA od 30.01.2024. godine.


**v.d. izvršnog direktora
za upravljanje i održavanje**

Mirko Rogić, dipl.pravnik



v.d. direktora:

Denis Lasić



Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 33869022965654549
Registровано u Općinskom sudu u Mostaru, MBS 58-01-0179-10

Broj: 01-01.3-10360-6/23 MA

Datum: 30.01.2024. godine

U skladu sa članom 65. Zakona o javnim nabavkama („Službeni glasnik BiH“, br. 39/14 i 59/22), članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 15. Pravilnika o javnim nabavkama JP Autoceste FBiH d.o.o. Mostar, broj: NO 1.01-3837-12/23 od 12.06.2023. godine, Komisija za nabavke imenovana Rješenjem, broj: 01-01.3-10360-3/23 MA od 12.01.2024. godine, sačinjava:

**ZAPISNIK O PREGLEDU I OCJENI PONUDA
u otvorenom postupku**

- a) **Naziv i sjedište ugovornog organa:** JP Autoceste FBiH d.o.o. Mostar;
- b) **Predmet nabavke:** Nabavka radova: „Nabavka i ugradnja uređaja za automatsku naplatu cestarine“;
- c) **Evidencijski broj nabavke:** 01-01.3-10360/23 MA;
- d) **Vrsta postupka javne nabavke:** Otvoreni postupak;
- e) **Procijenjena vrijednost nabavke:** 500.000,00 KM (bez PDV-a);
- f) **Broj obavještenja o nabavci sa Portala javnih nabavki:** Obavještenje o nabavci broj: 266-1-3-263-3-261/23 objavljeno dana 27.12.2023. godine;
- g) **Datum početka pregleda i ocjene ponuda:** Komisija je počela sa pregledom ponuda 17.01.2024. godine;
- h) **Naziv i sjedište svih ponuđača, prema redoslijedu zaprimanja ponuda:** Komisija za nabavke za predmetni postupak je utvrdila da je do krajnjeg roka za dostavljanje ponuda, blagovremeno zaprimljena 1 (jedna) ponuda i to kako slijedi:
 - 1. **BS Telecom Solutions d.o.o. Sarajevo**, zaprimljena 17.01.2024. godine u 09:29 sati, sa ukupnom ponuđenom cijenom u iznosu od 498.943,50 KM bez uračunatog PDV-a, odnosno 583.763,90 KM sa uračunatim PDV-om;
- i) **Podaci o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata;
- j) **Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nema ispravki koje su urađene na način da su vidljive, potvrđene potpisom ponuđača i sa datumom izvršene ispravke;
- k) **Analitički prikaz traženih i dostavljenih dokumenata na osnovu kojih se utvrđuje postojanje li razlozi isključenja ponuđača:**

R. B.	ANALIZA, PREGLED I OCJENA PONUDA	NAZIV PONUĐAČA
	Nabavka i ugradnja uređaja za automatsku naplatu cestarine	BS Telecom Solutions d.o.o. Sarajevo
a.	Kvalifikacioni uslovi:	
1.	Lična sposobnost - kvalifikacija prema članu 45. ZJN: USLOVI: U skladu sa članom 45. Zakona, ponuda će biti odbijena ako je ponuđač: a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan; b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan; c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan; d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan. Napomena: Ugovorni organ može odbiti ponudu ponuđača u ovom postupku javne nabavke, ukoliko je ponuđač isključen iz postupaka javne nabavke kod ovog ugovornog organa na period od 12 (dvanaest) mjeseci, u slučajevima propisanim članom 45. stav (5) Zakona. DOKAZ: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije;	+ ¹
2.	Sposobnost obavljanja profesionalne djelatnosti: USLOV: Što se tiče sposobnosti za obavljanje profesionalne djelatnosti ponuđači moraju biti registrovani za obavljanje djelatnosti koja je predmet javne nabavke. DOKAZ: U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.	+
3.	Tehnička i profesionalna sposobnost: USLOVI:	

Što se tiče tehničke i profesionalne sposobnosti, ponuđači trebaju ispuniti sljedeće minimalne uslove a koji se mogu potvrditi dokazima iz člana 51. Zakona a to su:

a) uspješno iskustvo u realizaciji najmanje jednog (1) ugovora na istim ili sličnim poslovima predmetu nabavke (isporuka i implementacija uređaja za sistem naplate cestarine) u iznosu od minimalno 250.000,00 KM bez PDV-a u posljednjih 5 (pet) godina, ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 5 (pet) godina. Posljednjih 5 (pet) godina se računa od datuma predaje ponude;

b) da su ponuđene robe originalne, novoprodukovane I (prve) kvalitete, usklađene sa traženim tehničkim karakteristikama kako je zahtijevano u Tehničkoj specifikaciji - Aneks 10;

c) da ponuđač prihvata postupak kontrole robe složenije vrste ili robe koja izuzetno treba da služi nekoj posebnoj svrsi, koju provodi ugovorni organ ili u njegovo ime nadležna institucija, a koja se odnosi na provjeru kontrole kvaliteta isporučene robe;

d) da ima na raspolaganju minimalno 6 (šest) članova tehničkog osoblja, za poslove postavljanja i instalacije uređaja za automatsku naplatu cestarine te implementacije i integracije sistema automatskog plaćanja cestarine od kojih minimalno 4 (četiri) člana trebaju imati VSS elektrotehničkog ili informatičkog smjera.

DOKAZI:

Ocjena tehničke i profesionalne sposobnosti ponuđača će se izvršiti na osnovu jednog ili više dokaza:

a) **spisak uspješno izvršenih ugovora** na poslovima koji su isti ili slični predmetu nabavke (isporuka i implementacija uređaja za sistem naplate cestarine) u posljednjih 5 (pet) godina, ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 5 (pet) godina, prema obrascu datom u Aneksu 8 ove tenderske dokumentacije. Posljednjih 5 (pet) godina se računa od datuma predaje ponude.

Uz spisak izvršenih ugovora ponuđač je dužan dostaviti **potvrdu** za jedan ugovor – naveden u spisku uspješno izvršenih ugovora, za poslove koji su isti ili slični predmetu nabavke (isporuka i implementacija uređaja za sistem naplate cestarine) u vrijednosti od minimalno 250.000,00 KM bez PDV-a u posljednjih 5 (pet) godina, računajući od datuma predaje ponude. Potvrdu izdaje krajnji naručilac – investitor te ista obavezno sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predočenje dokaza o učinjenim pokušajima da se takva potvrda obezbijedi.

Napomena 1:

U slučaju da je ponuđač ugovor izvršio kao podugovarač, dužan je dostaviti potvrdu krajnjeg naručioca - investitora izdatu ponuđaču kao podugovaraču ili pored potvrde privrednog subjekta kojem je ponuđač bio podugovarač, dostaviti i potvrdu krajnjeg naručioca - investitora izdatu privrednom subjektu kojem je ponuđač bio



podugovarač. b) i c) Izjava popunjena i ovjerena od strane ponuđača da ponuđač ispunjava uslove tehničke i profesionalne sposobnosti navedene u tački 7.3.1. b) i c) tj. da: - su ponuđene robe originalne, novoprodukovane I (prve) kvalitete, usklađene sa traženim tehničkim karakteristikama kako je zahtijevano u Tehničkoj specifikaciji - Aneks 10; - ponuđač prihvata postupak kontrole robe složenije vrste ili robe koja izuzetno treba da služi nekoj posebnoj svrsi, koju provodi ugovorni organ ili u njegovo ime nadležna institucija, a koja se odnosi na provjeru kontrole kvaliteta isporučene robe. Izjava se popunjava i dostavlja u formi utvrđenoj Aneksom 9 tenderske dokumentacije. Uz Izjavu ponuđača (Aneks 9), kao prilog, ponuđač je dužan dostaviti dostaviti: - za ponuđene robe u Tehničkoj specifikaciji (Aneks 10) navedene pod podbrojevima: <u>1.2., 1.4. i 1.5.</u> kataloge proizvođača ili tehničke listove proizvođača ili ispile tehničkih karakteristika preuzetih sa službenih internetskih stranica proizvođača ili slične dokumente izdate od strane proizvođača ponuđenih roba kako bi dokazao da tehničke karakteristike ponuđenih roba ispunjavaju sve zahtjevanje tehničke karakteristike iz kolone „Tehničke karakteristike roba od kojih se sastoji platomat“ u Tehničkoj specifikaciji (Aneks 10); d) Izjava popunjena i ovjerena od strane ponuđača da ponuđač ima na raspolaganju minimalno 6 (šest) članova tehničkog osoblja, za poslove postavljanja i instalacije uređaja za automatsku naplatu cestarine te implementacije i integracije sistema automatskog plaćanja cestarine od kojih minimalno 4 (četiri) člana trebaju imati VSS elektrotehničkog ili informatičkog smjera. Izjava se popunjava i dostavlja u formi utvrđenoj Aneksom 9.1 tenderske dokumentacije. Uz izjavu ponuđača (Aneks 9.1), kao prilog, ponuđač je dužan dostaviti: - dokaz o stečenom VSS elektrotehničkog ili informatičkog smjera za minimalno 4 (četiri) od predloženih 6 (šest) članova tehničkog osoblja imenovanih u Izjavi (Aneks 9); - dokaz o radnom angažmanu traženog tehničkog osoblja kod ponuđača. Za tehničko osoblje koje je zaposleno kod ponuđača, kao dokaz dostaviti listu osiguranih lica ponuđača izdatu od strane nadležne ustanove, a za osoblje, kojim ponuđač raspolaže, odnosno koji nisu zaposlenici ponuđača dostaviti ovjerene kopije ili orginale ugovora o saradnji ili angažmanu (obostrano potpisane), iz kojih će biti vidljivo da je predloženi član tehničkog osoblja na raspolaganju za cjelokupno vrijeme trajanja ugovora. Napomena: Ako je neki dokaz ili dokument, koji se prilaže uz ponudu, na nekom stranom jeziku, isti mora biti preveden na jedan od službenih jezika	+ + + + +
---	--

	u Bosni i Hercegovini, te ovjeren od strane ovlaštenog sudskog tumača.	
4.	Izjava iz člana 52. Zakona data u Aneksu 7. ili 7.1	+
b. Ispunjenost uslova u pogledu dostavljanja svih potrebnih dokumenata prema sadržaju ponude:		
1.	Popunjen Obrazac za ponudu koji je dat u Aneksu 2 tenderske dokumentacije;	+
2.	Popunjen Obrazac za cijenu ponude koji je dat u Aneksu 3 tenderske dokumentacije;	+
3.	Popunjen Obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj obrazac ukoliko imaju povjerljivih informacija)	+ ²
5.	Izjava o ispunjenosti uslova iz člana 45. Zakona o javnim nabavkama data u Aneksu 5 tenderske dokumentacije	+ ¹
6.	Potpisan Nacrt ugovora koji je sastavni dio tenderske dokumentacije kao Aneks 6 tenderske dokumentacije	+
7.	Izjava o obezbjeđenju ovlaštenja u skladu sa tačkom 9.9.3. tenderske dokumentacije - data kao Aneks 15;	+ ³
8.	Garancija za ozbiljnost ponude prema obrascu datom u Aneksu 12 tenderske dokumentacije, iznos 7.500,00 KM, rok važenja do 14.05.2024. godine	+
9.	Parafirana Tehnička specifikacija data u Aneksu 10 tenderske dokumentacije	+
10.	Izjava o namjeri podugovaranja (ukoliko ponuđač ima namjeru podugovoriti dio ugovora) data u okviru Aneksa 2 tenderske dokumentacije	+ ⁴
11.	Opciono prilog ponudi u slučaju nuđenja ekvivalentne robe: Izjava o karakteristikama ponuđene ekvivalentne robe (Aneks 11) i prilozi kao dokazi kako je definisano u tački 6.1.1 tenderske dokumentacije.	n.p.
12.	Popis dokumentacije koja je priložena uz ponudu	+
c. Prikaz prihvatljivosti ponuda prema obliku sadržaju i potpunosti		
1.	Cjelovitost ponude, uvezana u cjelinu/knjiga, obezbijedena jemstvenikom/	+
2.	Ponuda napisana neizbrisivom tintom	+
3.	Pravilno numerisana ponuda	+
4.	Ponuda napisana na jednom od službenih jezika u BiH	+
5.	Ispravke u ponudi	n.p.
6.	Računske greške	+ ⁵
7.	Izmjene/dopune ponude i odustajanje od ponude	+
8.	Ponuda potpisana od strane ovlaštene osobe	+
9.	Dostavljena kopija ponude na mediju za pohranjivanje podataka (CD, USB i sl.)	+
PRIHVATLJIVOST PONUDE (DA/NE):		DA

Napomena:

- (+) u skladu sa tenderskom dokumentacijom **zadovoljava**;
- (1) ponuđač je uz Izjavu o ispunjenosti uslova iz člana 45. stav (1) tačke a) do d) Zakona u sastavu ponude dostavio ovjerene kopije svih zahtijevanih dokumenata kojima dokazuje ispunjenost postavljenih uslova u pogledu lične sposobnosti ponuđača;
- (2) ponuđač nema povjerljivih informacija u ovom postupku;
- (3) uz Izjavu, ponuđač dostavio original Ovlaštenje proizvođača sistema naplate cestarine – „Institut Mihajlo Pupin“ da je obučen i sposoban za integraciju i uvezivanje podsistema platomata u jedinstveni sistem naplate koji ugovorni organ posjeduje;
- (4) ponuđač nije izrazio namjeru podugovaranja;
- (5) nema računskih grešaka u ponudi;
- (n.p.) nije primjenjivo.

- l) **Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:** Nema ponuđača koji se isključuju zbog neispunjavanja uslova za kvalifikaciju;
- m) **Prikaz traženih i dostavljenih garancija za ozbiljnost ponude:** Ugovorni organ je zahtijevao bankarsku garanciju za ozbiljnost ponude u iznosu od 7.500,00 KM (slovima: sedamhiljadapetstotina i 00/100 KM) sa rokom važenja u periodu važenja ponude + 28 (dvadesetosam) dana, odnosno ukupno 118 (stotinutosamnaest) dana računajući od dana otvaranja ponuda (17.01.2024. godine), dakle sa rokom važenja do 14.05.2024. godine. Ponuđač BS Telecom Solutions d.o.o. Sarajevo dostavio je zahtijevanu bankarsku garanciju za ozbiljnost ponude, u zahtijevanom iznosu i propisanoj formi, sa propisanim rokom važenja;
- n) **Podaci o pojašnjenju ponuda:** Nije traženo pojašnjenje ponude;
- o) **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljena ponuda je uredno zapakovana, cijena bez PDV-a upoređena u obrascima Aneks 2 i Aneks 3, identična;
- p) **Analitički prikaz traženih i dostavljenih dokaza profesionalne i tehničke sposobnosti ponuđača:** U skladu sa tačkom k) ovog Zapisnika;
- q) **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Zaprimljena ponuda ispunjava sve zahtjeve u pogledu tehničkih specifikacija odnosno dostavljena je Tehnička specifikacija parafirana od strane ponuđača (ANEKS 10);
- r) **Podaci o ispravkama računskih grešaka u ponudama ako ih je bilo:** Nema računskih grešaka;
- s) **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nema ponuđača čije se ponude odbijaju;
- t) **Razlozi za odbijanje ponude zbog neprirodno niske cijene:** Nije primjenjivo;
- u) **Provođenje e-aukcije u skladu sa Pravilnikom o uslovima i načinu korištenja e-aukcije („Sl.glasnik BiH“ broj 66/16):** Ugovorni organ je u tenderskoj dokumentaciji i Obavještenju o nabavci za predmetnu nabavku predvidio održavanje e-aukcije. S obzirom na to da je Komisija utvrdila da je zaprimljena 1 (jedna) ponuda, e-aukcija se ne zakazuje, u skladu sa članom 4. stav (2) Pravilnika o uslovima i načinu korištenja e-aukcije („Sl. glasnik BiH“ broj 80/23;

- v) **Rangiranje prihvatljivih ponuda prema kriteriju za izbor ponude:** U skladu sa tačkom 9.1.1. tenderske dokumentacije kriterij za dodjelu ugovora je „najniža cijena“.

Naziv ponuđača	Popust (%)	Cijena ponude bez PDV-a za (KM)	PDV 17% (KM)	Ukupna cijena ponude sa popustom i PDV-om (KM)
BS Telecom Solutions d.o.o. Sarajevo	-	498.943,50	84.820,40	583.763,90

- w) **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Ponuđač BS Telecom Solutions d.o.o. Sarajevo, iz razloga što je jedini dostavio ponudu, a ista je prihvatljiva, odnosno ispunjava sve uslove i zahtjeve propisane tenderskom dokumentacijom;
- x) **Podaci o dijelu ugovora koji se daje u podugovor i podaci o podizvođaču:** Ponuđač nije izrazio namjeru podugovaranja;
- y) **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Ponuđač BS Telecom Solutions d.o.o. Sarajevo je uz ponudu dostavio ovjerene kopije dokumenata kojima dokazuje ispunjavanje uslova lične sposobnosti na osnovu člana 45. stav (1) tač. a) do d) Zakona, te original Ovlaštenje proizvođača sistema naplate cestarine – „Institut Mihajlo Pupin“ da je obučen i sposoban za integraciju i uvezivanje podsistema platomata u jedinstveni sistem naplate koji ugovorni organ posjeduje, pa shodno tome navedenu dokumentaciju nije dužan ponovo dostavljati nakon prijema Odluke o izboru najpovoljnijeg ponuđača.
- z) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje prijedlog v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar da donese Odluku o izboru kojom se ugovor za nabavku „**Nabavka i ugradnja uređaja za automatsku naplatu cestarine**“ u ukupnoj vrijednosti **583.763,90 KM** sa uključenim PDV-om dodjeljuje ponuđaču **BS Telecom Solutions d.o.o. Sarajevo**, koji je jedini dostavio ponudu, a ista je prihvatljiva odnosno ispunjava sve uslove i zahtjeve propisane tenderskom dokumentacijom;
- aa) **Datum završetka postupka pregleda i ocjene ponuda:** Komisija je završila pregled i ocjenu ponuda dana 30.01.2024. godine;
- bb) **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):**

- Ovaj Zapisnik nema priloga.

cc) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Melika Alajbegović, predsjednik komisije

Edin Sijamić, član komisije

Ivan Zelenika, član komisije

Alajbegović
Sijamić
Ivan Zelenika



Saglasan

Denis Lasić,
v.d. direktora